



Association pour la Promotion
de la Langue Wolof en
République Islamique de
Mauritanie (APROLAWORIM)



Association pour la Renaissance
du Pulaar en République
Islamique de Mauritanie
(ARPRIM)



Association Mauritanienne
pour la Promotion de la
Langue et de la Culture
Sooninké (AMPLCS)

JAMAANEN MARANDEN TAAXEN SORON SUGANDE

Jigirankutiyeen noxon ya ni, jamaanen wulliyun Kafonu (ARPRIM, AMPLCS DO APROLAWO) jokkindan ga da a tu ti jamaanen maranden taaxen soron ga su suge, hari jokkinda ke sere baane nta kafini i ya.

Faraaxundun do xennun fallen ya ni, o da a sinma ti waxatin kiñe Moritani gan xawa xaranjen killen sigindini, a ga tuggene jamaanen xannun ŋa, a su da a toxo, xaranrafana, ken ga senbene ti :

- Xiimandigemunte be ga dabari o jamaanen noxo ti Jamaanen Xannun Ka, na a wutu siine 1980 ma 1999 ;
- Kamaaliye kanma, duna noxon su, maranden yaaxaraxaro (kiilun tuwaano, xaranjundimoxon tuwaano...) i gemu nan ti saaxanxannen ya ni « xaranjunden xarlenme ».

Xadi, gelli 2018 naxaane, taagumansu senbento bange ti maraano kanmudunkon do dowulan sigaranun ŋa, fi be ga teŋana jamaanen xannun saagande jamaanen xaranjen killen di. Kun taagumansu, o ra wa i yogonu koono :

- Jamaanen yinmanken suganden saŋan dinma 2018, jamaanen yinmanken da a ko i digaamun noxon di ;
- Jamaanen sartinka (Asamble) yinmanken duje xandiyanden ga ñaana jamaanen xannun su di, a da Wulliyun Kafonun ña kapanlenfasonjunta ken yaaxabaganden killen di ;
- Menwalle ña Febiriye 12 siine 2020 jamaanen marande, teknikin xaranjunde do jamaanen maranden faraaxunden sandigin do Kafonun jokkindan naxa ; kun ga da i tirindindidantaxen kini a yi, i da a xanu, Kafonun nan ñi kafini jamaanen maranden taaxen ŋa ;
- Dipitenun sorba bange a ga jamaanen xannun tangana ;
- Jamaanen maranden sandigin dantaxen noxo dinma be, dipitenun sorban ga i gollun jopana, settanburu 10 siine 2020 nan ti : « jamaanen xannun xaranjunden kafini killu xottinto ya, xaranjunden faraaxunden di ;
- Jamaanen xannun xaranjunde xaranra be ga marande, xibaarikinne do kiite (ENAJM) xaranjundini, ken do kapanlenseraaxu be ga a do wulliyun kafonun naxa.

Na a saxu ku sabaabunu su, o ñi a sinmana nan ti wulliyun kafonun xa nan xawa kafini ke kafundo be ga riini jamaanen maranden politikinun xerexere. O wa a koyini nan ti saayindu nan xawa ñaana ken kille di.

Xannu ku feti tonto baanenu, jamaanen xannun xaranjunde jamaanen noxo, i na i jamaanen xannun ka katoyu xeyinto ya.

Nuwassoto, Febiriye 28 siine 2021
KAFONUN JOKKINDA